

ՊԱՏԱՊԱՐԱՆԱԴԱՐԱՆՈՒՄ

Ն. ՍՎԱԶՅԱՆ

ՆԱՅ-ԱՂՎԱՆԱԿԱՆ ԵԿԵՂԵՑԱԿԱՆ ՆԱԲԱԲԵՐՈՒԹՅՈՒՆՆԵՐԸ Զ. ԴԱՐՈՒՄ

451 թ. Քաղկեդոնում գումարված եկեղեցական մեծ ժողովում քննության դրված կրոնական հարցը Քրիստոսի երկու (աստվածային ու մարդկային) թե մեկ (աստվածային) բնություն ունենալու շուրջ, կայսր Մարկիանոսի (450-457) և պապ Լևոն Առաջինի ճնշման փակ լուծվում է հոգուր առաջին փեսակերի¹: Ժողովի որոշումը, որ հիմնված էր «Տոմար Լևոնի» անունով հայրնի գրության վրա, ողջ քրիստոնեական աշխարհը բաժանում է երկու մասի՝ որոշման կողմնակիցների՝ քաղկեդոնականների կամ երկարնակների ու հակառակորդների՝ հակաքաղկեդոնականների կամ միաբնակների, որոնց միջև հենց սկզբից անզիջում դավանաբանական պայքար է ծավալվում, որ փոսական ժամանակ զբաղեցնում է Արևելքի ժողովուրդների հասարակական միաբնությունը:

Արարքուստ կրոնական թվացող այս խնդիրը, սակայն, հետապնդում էր քաղաքական նպատակ: Բյուզանդիային ձեռնարկող որոշմանը հարողները դառնում էին կայսրության հպարակներ նաև գաղափարապես և վերածվում նրան հնազանդ կամակապարների, իսկ ընդդիմադիրները՝ ներքինակ հակառակորդների:

Քաղկեդոնականությունն արագ փարածում է գտնում: Շուրջով նրա գաղափարախոսները հայրնվում են Նայաստանում ու իրենց քարոզներով սպառնում Նայոց Եկեղեցու միաբնությունը: Նրանք թափանցում են նաև Աղվանք ու վրանգի փակ դնում Աղվանից Եկեղեցու դավանական միասնությունը: Դրանից անհանգստացած՝ փեղի հոգևոր հայրերը ժամանակի այդ չարիքի դեմն առնելու համար միջոցներ են ձեռնարկում՝ հայոց հերի հույսեր կապելով:

Նայերը և, պարզ է կարծել և ում, նույնպես խղճի ազատության համար, մի այլ կրիվ էին մղում Սասանյան Իրանի դեմ, իսկ վերջիններս զբաղված էին երկիր ներխուժած պարսից բանակից ու նրանց միացած հոնաց պարերազմից վերադարձած փասը հազարանոց զորագնդից իրենց աշխարհը հայերի օգնությամբ պաշտպանելու գոր-

¹ Տե՛ս Մադարիա արքեպ. Օրմանեան, Ազգապատում, հար. Ա., Երևան, 2007, էջ 567-573 (այսուհետ՝ Օրմանեան):

ծով²: Ժամանակներ անց, երբ քաղկեդոնականությունը լայն փարածում է գտնում հայերի /հայկապետ Բյուզանդական Նայաստանում բնակվողների/ ու հարեւան աղվանացիների և վրացիների շրջանում, փարածաշրջանի եկեղեցական գործիչներն անդրադառնում են Քաղկեդոնի ժողովին ու նրա որոշումներին և վճռական գործողությունների դիմում: 506 թ. Նայոց Բաբկեն Ա. Ոթմսեցի (Վանանդ գավառ) Կաթողիկոսի (490-516 թթ.) նախաձեռնությամբ Դվին մայրաքաղաքում, Ս. Գրիգորի անունը կրող եկեղեցում, ժողով է գումարվում³, ուր քննարկվում է դավանաբանական բուռն վեճեր հարուցած վերոհիշյալ հարցը: Նայոց Եկեղեցին վերջինիս բնությամբ հանդես է գալիս՝ իր փրամադրության փակ ունենալով Ալեքսանդրիայի պապի հարբ Տիմոթեոս Կուզի դավանաբանական բնույթի երկերը և, հայկապետ, նրա՝ քաղկեդոնականության դեմ ուղղված «Նակաճառություն» գործը⁴ իր որոշումներում հենվելով նրանում արծարծված սահմանումների վրա: Ժողովին մասնակցում էին եպիսկոպոսներ Նայաստանի գրեթե բոլոր՝ 30⁵, եպիսկոպոսական թեմերից, նրանց պաշտոնակիցներ Աղվանքից ու Վիրքից, նախարարներ, աշխարհիկ այլ փերեր⁶ և պարսիկ ու ասորի պապգամալորներ:

Ժողովին աղվանացիների ու վրացիների մասնակցության մասին վկայում է Նայոց Աբրահամ Ա. Աղբաթանեցի Կաթողիկոսը (607-613 թթ.): Վրաստանի իր աթոռակից Կյուրիոնին ուղղված նամակներից երրորդում: Մեղադրելով նրան քաղկեդոնականություն ընդունելու և իր նախնիների հավաքից շեղվելու մեջ, ապա և անուն առ անուն թվարկելով ժողովին մասնակից վրացի եպիսկոպոսներին, Նայոց Նայրապետը գրում է. «Այս երանելի եպիսկոպոսունքս, որ յաշխարհէ ձերմէ (այսինքն Վիրքից- Ն. Ս.) և ընդ Աղուանիւք և ընդ Սիւնիւք ի Նայս դիպեցան յառուս Բաբգենայ Նայոց Կաթողիկոսի յայն ժողովի յորում անիծան ի նոցանէն միաբանութեամբ ժողովն Քաղկեդոնի և քումարն Լեւոնի»⁷: Այսպես, հաստատագրվում է աղվանացիների մասնակցությունը ժողովին, սակայն, անհայտ է մնում Դվին ժամանածների թե՛ անուններն ու թվաքանակը և թե այն եպիսկոպոսությունները, որոնք ներկայացնում էին նրանք: Կարծիք կա, որ նրանց հետ Դվին էին ժամանել եպիսկոպոսներ նաև Ուրիքից ու Արցախից, որոնք այդ ժամանակ գտնվում էին Աղվանից մարզպանության կազմում⁸: Որ դա առավել քան հավանական է, ցույց են տալիս այլ առիթներով Աղվանից եպիսկոպոսների ու եպիսկոպոսությունների անվանական հիշատակությունները, որոնց շարքում նշվում են նաև հիշյալ հայկական նահանգների եպիսկոպոսական թեմերի ու սրանց աթո-

2 Տե՛ս Ն. Ս. Սվազյան, Աղվանից աշխարհի պապություն /հնագույն շրջանից – VIII դարը ներառյալ/, Երևան, 2006, էջ 191-194:

3 Տե՛ս Օրմանեան, էջ 581 և հաջ., Ե. Տեր-Մինասյան, Բաբգեն Կաթողիկոսի ժողովի թվականը և փերը, Պարմա-բանասիրական հետազոտություններ, Երևան, 1971, էջ 31-44:

4 Տե՛ս Ե. Ալիկյան, Տիմոթեոս Կուզ հայ մարեմագրութեան մեջ, Վիեննա, 1909, Վ. Մ. Վարդանյան, Նայոց Եկեղեցին վաղ միջնադարի քաղաքական խաչողիկներում, Վաղարշապատ, 2005, էջ 242-245:

5 Տե՛ս Ուխտանէս եպիսկոպոս, Պարմութիւն Նայոց, հարումս առաջին, Վաղարշապատ, 1871, էջ 100:

6 Ժողովին մասնակից հայ եպիսկոպոսների ու նախարարների անվանց թվարկումը տե՛ս Օրմանեան, էջ 581-582:

7 «Գիրք Թողոց», Թիֆլիս, 1901, էջ 183

8 Մ. Բաղայան, Նայ-Աղվանից եկեղեցին /սկզբնավորումից մինչև մեր օրերը/, Սյրեխանակերպ, 2009, էջ 38:

ռականների անունները⁹: Ուստի, առանց երկմարանքի կարելի է ընդունել այդ փաստը և վստահորեն ասել, որ աղվանացիների պարվիրակության կազմում եղել են նաև Արցախի ու Ուրիքի ներկայացուցիչները և մյուս ժողովականների հետ միասին միահամուռ նգովել Քաղկեդոնի ժողովի որոշումներն ու Լեոնի փոմարը:

Դվինի այս առաջին ժողովի որոշումները չեն մնում Ս. Գրիգոր եկեղեցու անձուկ պատերի ներսում, պարսիկ պարզամավորների առաջարկով պարբասարվում է Պարսկաստանի քրիստոնյաներին ուղղված մի նամակ՝ «Թուղթ Նայոց, ի Պարսս առ ուղղափառս»¹⁰, որով վերջիններին փողյակ էր պահվում ընդունված կանոնակարգին ու այլադավանության դեմ պայքարին հավաքարիմ մնալու իրենց որոշման մասին: Թուղթը կամ, այսպես կոչված «Նաւարոյ նամակը», որը դիտվում է իբրեւ Բաբկեն Կաթողիկոսի «Առաջին թուղթ», ստորագրում ու իրենց կնիքներով վավերացնում են Բաբկեն Նայոց Կաթողիկոսը և «ամենայն եպիսկոպոսունք և Վարդ Մամիկոնեան»:¹¹ Վերջինս եղբոր՝ Վահան Մամիկոնյանի մահից հետո ստանձնել էր Նայոց մարզպանի պաշտոնը: Թուղթը ինչ-ինչ պարճառներով երկրորդվում է և իր հետ նոր մանրամասնություններ բերում: Դրանցից պարզվում է, որ նամակը կազմելիս այն համաձայնեցվել է աղվանացիների (ու վրացիների) հետ: «Գրեցաք իսկ (ղավանաբանական վեճերում իրենց ունեցած դիրքորոշման մասին-Ն.Ս.), ձեզ յառաջագոյն Վրաց և Աղուանից միաբանութեամբ իւրաքանչիւր, աշխարհի գրով: Եւ այժմ երկրորդեցաք...»¹²: Ելնելով այս վկայությունից, գրում ենք, որ աղվանացիները ևս հայերի ու վրացիների հետ միասին իրենց ստորագրություններն են դրել Թ-դթի փակ, ինչը խոսում է ժողովում նրանց ունեցած յուրջ դերակատարության օգտին: Կա փոսակետ, թե «Նավարո նամակը» կազմվել է երեք օրինակից՝ «իւրաքանչիւր աշխարհի գրով», այսինքն հայերեն, աղվաներեն ու վրացերեն և ստորագրվել հայերի, աղվանացիների ու վրացիների կողմից առանձին-առանձին¹³: Նամակի աղվաներեն և վրացերեն փարբերակների գոյությանը և, մասնավորապես, աղվաներենով Պարսկաստանի ուղղափառներին ուղարկված լինելուն հակված է հավաքալու և Ա. Նակոբյանը¹³: Սակայն նման փոսակետը մեզ համոզիչ չի թվում: Նամակը ժողովում բոլորի կողմից ընդունված որոշումների պաշտոնական վավերագիրն էր և արտահայտում էր ժողովականների կամքը: Ուստի, բավական էին նաև նրա փակ դրված ստորագրությունները և փվյալ պարագայում հազիվ թե զգացվեր մասնակից երկրների կողմից ևս առանձին-առանձին նույն բովանդակությամբ գրություններ ուղարկելու անհրաժեշտություն: Պետք է հաշվի առնել նաև այն իրողությունը, որ նամակն ուղարկվում էր Պարսկաստանի բոլոր ուղղափառներին՝ «առ ազարս, և առ գեղջաւագս, առ մեծամեծս և առ փոքունս և առ ամենայն

9 Տե՛ս ստորև:

10 «Գիրք Թ-դթոց», էջ 47:

11 Անդ, էջ 51:

12 Օրմանեն, էջ 587. Ե. Տեր-Մինասյան, Բաբկեն Կաթողիկոսի ժողովի թվականը..., էջ 43. Մ. Բալայան, Նայ-Աղվանից եկեղեցին, էջ 38:

13 Ա. Ա. Акопян, *Албания-Алуанк в греко-латинских и древнеармянских источниках*, Ереван, 1987, էջ 128-129, էջ 128, ծանոթ. 22, էջ 136:

հաւաքագնացաւ Պարսից աշխարհի»¹⁴, որոնց համար, Կրամաբանական է կարծել, աղվաններէնը անձանթ լեզու էր եւ նրանով գրված նամակը կդառնար աննպատակ ու միանգամայն ավերորդ: «Յուրաքանչիւր աշխարհի գրով» կապակցությամբ, որ գայթակղության քար է դարձել նաեւ աղվանական գրի գոյության շուրջ բանավիճող գիտնականների համար¹⁵, իր մեկնաբանությունն է Կովել պարմաբան-բանասեր Ա. Շ. Մուսականյանը: Նրա կարծիքով՝ նամակի հեղինակներն այն կազմելիս նկատի են ունեցել Պարսկաստանին ենթակա տարբեր երկրներում (Ասորեստան, Խուժաստան, Ներք եւ այլն) ապրող քրիստոնյաներին եւ նամակը, որ ուղարկվելու էր նրանց, գրել կամ թարգմանել են նրանցից յուրաքանչյուրի աշխարհի գրով¹⁶: Մի կողմ թողնելով այս կարծիքի վիճելի կողմերը՝ ասենք միայն, որ սրանով գիտնականը փաստորեն բացառում է աղվաններնով գրված որեւէ թղթի գոյությունը: Ի վերջո, կա մաքենագիտական հստակ փոխադրում, որի համաձայն Պարսկաստան ուղարկված նամակը գրվել է «հայերէն եւ պարսկերէն»¹⁷: Այսպիսով՝ նշված փաստարկները հիմք չեն թողնում կարծելու, թե եղել են այլ լեզուներով եւս գրված նամակներ: Դրանք գրվել են թե՛ Նայաստանում եւ թե՛ Պարսկաստանում ապրողների համար հասկանալի հայերէնով ու պարսկերէնով, որն էլ վկայված է փաստաթղթում: Ի դեպ, այս հանգամանքը Կրամաբանորեն հուշում է նաեւ, որ վերջիններս էլ հանդիսացել են ժողովի աշխատանքային լեզուները:

Նգովելով Քաղկեդոնի ժողովի որոշումներն ու «Լեւոնի Կրամարը» եւ ընդունելով Քրիստոսի միայն մեկ՝ աստվածային բնույթ ունենալու փեսակեպը, Նայոց Եկեղեցին հարում է հակաքաղկեդոնական հոսանքին եւ գլխավորում այն: Նրա հետ համակամ էին նաեւ Աղվանից եւ Վրաց եկեղեցիները ու հաշվի էին նստում պարսկական ու ասորական հոգևոր գործիչները: Ճիշտ է նկատել Նայոց Եկեղեցու պարմությանը քաջագիտակ Մադաքիա արքեպ. Օրմանյանը. «Նայ Եկեղեցին հեղինակաւոր դիրք ունէր Արեւելեան քրիստոնէութեան մէջ, եւ իրեն դրացի եկեղեցիները, Վրացին ու Աղուանը հիսխէն, Ասորին ու Պարսիկը հարաւէն, իրենց հաւաքոյ կանոնը եւ պետական պաշտպանութիւնը կը ստանային Նայոց հովանաւորութեամբ»¹⁸:

Վերնում նշվեց, որ ժողովի մասնակից պարսիկ եւ ասորի պարավիրակները հավաքում ընդունված կանոնները սեփական իշխանություններին ու ժողովրդին ծանոթացնելու համար նամակներ են տարել իրենց հետ: Ելնելով դրանից, հնարավոր ենք համարում, որ հայերէնի վերադառնալիս, նրանց օրինակով, նման նամակներ իրենց հետ վերցրել են նաեւ Աղվանից ժամանած եպիսկոպոսները՝ իրենց վիճակներում ապրող քրիստոնյաներին նույնպէս ժողովի սահմանումներին հաղորդակից դարձնելու միտումով:

Իրադարձությունների գուցադիպությամբ, ուսումնասիրվող շրջանում Քաղկեդոնի ժողովի որոշումների ու Լեւոնի Կրամարի ժխտմամբ հանդես էին գալիս նաեւ հույներ-

14 «Գիրք Թողոց», էջ 41:

15 Ա. Շ. Մուսականյան, Աղվանից աշխարհի գրականության հարցերի շուրջ, Երևան, 1966, էջ 11-12:

16 Անդ, էջ 12-13:

17 «Գիրք Թողոց», էջ 41:

18 Օրմանյան, էջ 592:

րը: Կաղանկարվացու վկայությամբ՝ «Ի ժամանակս Բաբգենայ՝ Նայոց Կաթողիկոսի, Յոյնք եւ ամենայն Իսրայիլա, Նայք եւ Աղուանք եւ Վիրք միաբանեալ նզովեցին զգարափառ ժողովն Բաղկեղոնի եւ զԿոմարն Լեւոնի»¹⁹: Ինքը՝ Բաբգեն կաթողիկոսն էլ է նշել, թե «մեք Նայք եւ Նոռոմք, Վիրք եւ Աղուանք մի խոստովանութեամբ ենք հաստատեալ ճշմարիտ հաւաքով»²⁰: Հիշյալ չորս եկեղեցիների դավանաբանական միասնության մասին մեկից ավելի անգամ ընդգծված է նաեւ մի շարք այլ գրություններում²¹ ու Նով-հանենա Դրասխանակերպոցու մոտ: Կաթողիկոս-պարմիչի հաղորդմամբ՝ ուսումնասիրվող ժամանակաշրջանում «մի հաւաք բարեպաշտութեան առհասարակ հաստատեալ լինէր յաշխարհին Նոռոմոց, Նայոց, Վրաց եւ Աղուանից՝ հաւասար ամենեցունց»²²: Այս միաբանությունը հնարավոր էր միայն Բյուզանդիայի կայսր Զենոնի «Նեոտրիկոնի» («Միության գիր») 482 թ. ընդունումից հետո: Նրանում կայսրը (474-491 թթ.) առաջ էր քաշում Բաղկեղոնի ժողովի որոշումների ժխտման, այդ հարցում քարքեր քրեականների միմյանց հետ հաշտեցման եւ, առհասարակ, քրիստոնեական աշխարհի երկպառակության վերացման խնդիրը²³: Ըստ ուսումնասիրողների՝ «506 թվից առաջ արդեն կամ գոնե ամենաուշը այդ թվին հայերը, վրացիք եւ աղվանները պետք է Զենոնի Նեոտրիկոնը ընդունած լինեն եւ հռոմեների հետ համաձայնած»²⁴: Սակայն Նեոտրիկոնը, ինչպես ասում է Մ. Օրմանյանը, «իր նպատակին չձառայեց, երկու կողմերն ալ իրենց ուզածը չգրան անոր մէջ»²⁵: Պայքարը Քրիստոսի բնության շուրջ շարունակվում է: Ուստի, 554 թ. Ներսես Բ. Բագրեւանդցի (Ալաշկերպցի-Աշտարակցի) Կաթողիկոսի (548-557) գլխավորությամբ, դարձյալ Դվինում, հրավիրվում է երկրորդ եկեղեցական ժողովը, ուր կրկին բնության եւ առնվում քաղկեդոնականության եւ այդ ժամանակ նույնչափ վերանգ պարունակող մի այլ աղանդի՝ նեստորականության դեմ պայքարի հարցերը: «Զայս ժողով, - գրում է Նովհան Օձնեցին, - արար Տէր Ներսէս հակառակ ժողովոյն Բաղկեղոնի»²⁶: Վերջին մտքի հետ, սակայն, համաձայն չեն Ն. Ալիկնյանը, Մ. Օրմանյանը եւ Վ. Վարդանյանը: Առաջինը կարծում է, որ այսպեղ խոսվում է «խուժիկ նեստորականներու այսինքն՝ պաղիկեաններու» մասին, քանի որ թղթում ակնարկ անգամ չկա քաղկեդոնականների ու այլ աղանդավորականների վերաբերյալ²⁷, իսկ երկրորդը, նույն պարճառաբանությամբ, Բաղկեղոնի հիշարակությունն այսպեղ համարում է շփոթություն, որ պետի է ունեցել հիշյալ երկու աղանդների միջեւ առկա սերտ

19 Մովսէս Կաղանկարուացի, Պարմութիւն Աղուանից աշխարհի, քնն. բնագիրը եւ ներածությունը Վ. Առաքելյանի, Երեւան, 1983, էջ 270 (այսուհետ՝ Կաղանկարուացի):

20 «Գիրք Թղթոց», էջ 221:

21 Տե՛ս անդ, էջ 43, 45, 46 եւ հաջ.:

22 «Նովհանենա Կաթողիկոսի Դրասխանակերպոցյ Պարմութիւն Նայոց», Երեւան, 1996, էջ 64 (այսուհետ՝ Դրասխանակերպոցի):

23 Զենոնի «նեոտրիկոնի» արձագանքների մասին մանրամասն պես Վ. Մ. Վարդանյան, Նայոց եկեղեցին ..., էջ 233-241:

24 Ե. Տէր-Մինասյան, նշվ. աշխ., էջ 40:

25 Օրմանյան, էջ 575:

26 «Գիրք Թղթոց», էջ 221:

27 Տե՛ս Ն. Ալիկնյան, Մովսէս Դասխուրանցի (կոչում՝ Կաղանկարուացի) եւ իր Պարմութիւնն Աղուանից, Վիեննա, 1970, էջ 183:

առնչության հերեռանքով, եւ գրեւոր, որ ժողովն ուղղված է եղել նեսպորականության դեմ²⁸։ Նույն կարծիքին է եւ Վ. Վարդանյանը²⁹։ Այսպես թե այնպես, Դվինի 554 թ. եկեղեցական ժողովը «մեկընդմիջար մերժեց քաղկեդոնյան Նավապո բանաձեւը։ Դրանով իսկ ցայրուտորեն դրսևորվեց Նայոց Եկեղեցու դավանական եւ նվիրապետական անկախությունը մյուս Եկեղեցիներից եւ ավելի կարեւորվեց նրա՝ իբրեւ քաղաքական ազդու գործոնի դերը»³⁰։ Դվինի երկրորդ ժողովին աղվանցիների մասնակցության մասին փեղեկություններ չկան։ Սակայն նրանց ու հայերի միջեւ հասարարված դավանական համերաշխությունն ու չարիքի դեմ համարեղ պայքարելու միակամությունը թույլ է փալիս ենթադրելու, որ աղվանցիներն ունեցել են իրենց ներկայացուցիչները ժողովում։ Դրացիների դավանաբանական միաբանությունը մնացել էր անխախտ, եւ դա ցույց են փալիս նաեւ հեարագա իրադարձությունները։

Ուսումնասիրվող շրջանում Ներսես Բ. Բագրեւանդցի Նայոց Կաթողիկոսի աթոռակիցն Աղվանքի մարգում Աբասն էր՝ ընտրված Արցախ նահանգի Մեծառանք (Մեծիրանք) եպիսկոպոսությունից³¹, որ հովվել է քառասուն չորս փարի (552-596 թթ.)։ Նա առաջինն էր Աղվանքի հայրապետների մեջ, որ սկսում է կրել «Կաթողիկոս» փիպղոսը։ Կաղանկարվացին գրում. «Առ սովա (Աբասի օրով - Ն.Ս.) կալան սովորութիւն գրել ի պարրուակ թղթի Աղուանից, Լիւնաց եւ Չողայ Կաթողիկոս»³²։ Նույնը անէական փարբերություններով նշում է եւ Մխիթար Գոշը³³։ Աղվանքի հոգևոր առաջնորդի համար առաջին անգամ գործածվող այդ փիպղոսը աներկբայորեն ցույց է փալիս, որ երկրի հոգևոր կյանքում փեղի էին ունեցել այնպիսի փեղաշարժեր, որոնք Ջ. դարի երկրորդ կեսում հանգեցրել էին նրա եկեղեցական-վարչական գերագույն մարմնի՝ կաթողիկոսության ձեւավորմանը³⁴։ Այսուհեար վերջինիս գլուխ կանգնած հովվապետը մեծարվում էր «կաթողիկոս» փիպղոսով։ Այսպիսով, Աղվանից կաթողիկոսությունը կազմավորվել է Աբասի հովվելու հեար միաժամանակ՝ 552 թ., եւ ճիշար չէ նրանից առաջ այլ կաթողիկոս փեանելը³⁵։ Մարգպանական Աղվանքի նորահասարար կաթողիկոսության իրավասությունը, դարելով «Պարրուակ» (Գոշի մոար՝ «Պարրիսակ») թղթերի, (հանձնարարականների) վրա դրոշմվելիք գրությունից, փարածվում էր Աղվանք (իմա՝ Նայոց Արեւելից կողմանց), Լիւինք (Բուն Աղուանք) եւ Չող (Դերբենդ) երկրների կամ, այլ խոսքով, ամբողջ մարգպանությունով մեկ սփռված թեմերի վրա։ Ի դեպ, փեղին է նկարել, որ նշվածներն այն երկրներն էին, որոնցում իր ինքնուրույն քարոզչական գործունեությամբ

28 Օրմանեան, էջ 634-635։

29 Վ. Մ. Վարդանյան, Նայոց եկեղեցին..., էջ 252։

30 Անդ, էջ 256։

31 Տե՛ն Կաղանկարուացի, էջ 343։

32 Անդ։

33 «Կաթողիկոսք եւ դէպք Աղուանից աշխարհին ի մէջ ԺԲ. դարու», փե՛ն Ղ. Աբիշան, Նայապարում պարմիցք եւ պարմութիւնք Նայոց, Վենեթիկ, 1901, էջ 384 (այսուհեար՝ Նայապարում). նաեւ, Կաղանկարուացի, էջ 350։

34 Աղվանից կաթողիկոսության նախասարելոճ շրջանի մասին փե՛ն Բ. Ա. Ուլուբարյան, Նայոց Արեւելից կողմանց եկեղեցին եւ մշակույթը, Երեւան, 2001, էջ 98-118, նաեւ Մ. Բաղյան, Նայ-Աղվանից եկեղեցին, էջ 36-46։

35 Նարցի շուրջ առկա կարծիքների քննությունը փե՛ն Բ. Ուլուբարյան, անդ, էջ 98-108։

յունն էր ծավալել Ս. Թադևոս առաքյալի աշակերտ Ս. Եղիշան³⁶, կարծես նախանշելով Աղվանքի ապագա կաթողիկոսությանը ենթակա վիճակները:

Մինչ Աբասի կաթողիկոսությունը Աղվանից հայրապետների նստոցը Չոզն էր: Այդ մասին վկայում են սկզբնաղբյուրները, միայն թե ոչ բոլոր ուսումնասիրողներն են համաձայն նրանց հետ: Բ. Ուլուբաբյանն, օրինակ, առհասարակ ժխտում է Չոզի դերը «քրիստոնեական եկեղեցու համար» և «նրան վերագրված ամեն մի նման պատմություն» համարում հեքիաթի ժանրից³⁷: Բայց սխալվում է հարգարժան հեղափոխողը: Աղբյուրագիտական փոխադրումների անտեսմամբ նման կարծիք հայտնելով, նա, փաստորեն իր խոսքը վերածում է պարզ մի հայտարարության:

Նաքց է նաև թե երբ է Չոզը դարձել Աղվանքի հայրապետների կենտրոնատեղի: Ըստ Ա. Նակոբյանի դա փնտի է ունեցել երկրում 462թ. թագավորության վերացումից հետո³⁸, որը, մեր կարծիքով, վերանայման կարիք ունի: Միլիթար Գոշը, ով Աղվանքի հայրապետների ցանկի հեղինակն է, խոսելով Մանուկ Գրիգորիսի նահապետության մասին, շարունակության մեջ հատուկ ընդգծում է, որ նրան անմիջապես հաջորդած չորս հայրապետները հովվել են Չոզից: Նա գրում է. «զՍուրբն Գրիգորիս...ի բարբարոսաց վախճան մահու ընկալաւ. հռոմ թիվ ՃԱ. էր: Եւ այսոքիկ են որք ի Չոլ հայրապետք նստան. Զաքարիա, Դաիթ, Սուրբն Յոհան, Երեմիա»³⁹: Այսպեղից պարզ երևում է, որ Չոզը Աղվանքի հայրապետական նստոց է եղել շատ ավելի վաղ, քան նրա համար մարտնչված ժամանակներն են: Մյուս կողմից, Միլիթար Գոշի հաղորդումից այն փաստվորությունն է ստացվում, որ Չոզում նստած հայրապետներից առաջինը՝ անվանապես նշված Զաքարիան, հաջորդել է արդեն իրենից առաջ եղածներից մեկին: Դա մակաբերելի է հարկապես նրանից, որ հաղորդման մեջ անցումը Գրիգորիսից Չոզում աթոռակալած առաջնորդներին կատարվում է միանգամից, առանց որևէ միջանկյալ շեշտադրումների: Տրամաբանությունը հուշում է, որ այդպիսի մեկը ինքը՝ Մանուկ Գրիգորիսն էր: Այս շատ հավանական ենթադրությունը ուժ է ստանում նաև պատմական իրադարձությունների ընթացքով: Նայսին է, որ Դ. դարի սկզբներին Մասքթաց աշխարհում բարոզչական աշխատանքներ էր ծավալել Մեծն Գրիգորիսի այս թոռը: Նման գործունեության համար նա, անշուշտ, ունենալու էր իր նստավայրը փնտրում, և դա կարող էր լինել Չոզը: Սա կենտրոնատեղի դարձնելով Մանուկ Գրիգորիսը շատ չանցած նահապետակցում է՝ իռադիցիոնալ բարբարոսների կողմից, որից հետո նրա հաջորդներն, իբրև Աղվանից աշխարհի հայրապետներ, նստում են հիմնարկած նստավայրում: Ներուբար, Չոզը Աղվանքի հոգևոր կենտրոն էր դարձել դեռևս Դ. դարի սկզբներից և նրա վերածումը նման կենտրոնի փնտրելի էր ունեցել Մանուկ Գրիգորիսի կողմից: Իր այս դերը պահպանում է մինչև Աբասի Կաթողիկոս օծանելը: Դառնալով Կաթողիկոս՝ Մեծառանք գավառի նախկին եպիսկոպոսը հարկ

36 Ն. Ս. Մվազյան, Սուրբ Եղիշան Նայոց Արեւիկի կողմանց, Չոզա երկրի և Աղվանից աշխարհի լուսավորիչ, «Լրաբեր, հաս. գիտ.», 2000, թ. 2, էջ 55-65:

37 Տե՛ս Բ. Ուլուբաբյան, անդ, էջ 119:

38 Տե՛ս Ա. Ա. Акопян, *Албаниа-Алуанк*, էջ 134:

39 «Նայապարում», էջ 394. Կաթանկարպուտացի, էջ 350 (ընդգծ. Ն. Ս.):

է համարում նոր Կաթողիկոսին վայել աթոռանիստ ունենալ եւ ընտրում է Աղվանից մարզպանության մայրաքաղաք Պարպավը, ուր տեղակայված էին նաեւ մարզի աշխարհիկ իշխանությունները: Այդ մասին իրազեկում է Կաղանկարվացին՝ գրելով, որ Տեր Աբասը «Ի սկզբանն թուականիս Տայոց (այսինքն՝ 552 թ.-Ն. Ս.) փոխեաց գաթոռ հայրապետութեան ի Չողայ ի Պարպաւ»⁴⁰: Նույնը, բայց շարադրանքի մի փոքր այլ ձևով, հայտնում է եւ Գռշը⁴¹: Այսպիսով՝ շուրջ երկու հարյուր տարի Աղվանքի հայրապետների համար նստավայր ծառայելով, Չողը տեղը զիջում է Պարպավին: Այնուհետեւ Աբասից սկսած, Աղվանից մարզի կաթողիկոսները նստում էին Պարպավում: Ըստ Կաղանկարվացու՝ այս տեղափոխությունը կատարվել էր «վասն հինահալած արշաւանաց թշնամեացն իսպէն Քրիստոսի»⁴²: Իրավ է, որ այդ շրջանում խազարների արշավանքները դարձել էին ավելի հաճախակի ու վրանգավոր եւ Աղվանից եկեղեցու անվտանգության ապահովումը դարձել էր առաջնահերթ խնդիր: Բայց սա միակ պատճառը չէր: Ճիշտ է, տեղափոխվելով Պարպավ, կաթողիկոսությունը կլիներ այսպիսի գրավոր աշխարհիկ իշխանությունների կողքին եւ վայելելով նրանց հովանավորությունը՝ ավելի պաշտպանված կզգար իրեն, սակայն գլխավորը, կարծում ենք, երկրում կենտրոնացված ուժեղ իշխանություն ունենալու ձգտումն էր, որը հանգեցրեց հոգևոր ու աշխարհիկ իշխանությունների մեկտեղմանը միեւնույն վայրում: Պակաս կարելու էր այն հանգամանքը, որ Չողը, գրավելով մարզպանության ծայր հյուսիս-սարեւելքում, զգալիորեն դժվարացնում էր ողջ մարզպանության տարրեր մասերում հաստատված թեմերի կառավարումը կամ վերահսկումը: Փոխադրվելով Պարպավ, որ աշխարհագրորեն ընկած էր Կովկասի վարչաքաղաքական միավորի համեմատաբար կենտրոնական շրջաններում, նորահաստատ հոգևոր իշխանությունն ավելի դյուրությամբ կիրականացներ առանձին եպիսկոպոսությունների հետ տարվող աշխատանքը եւ կպահպաներ իր վերաշխարհիկ ազդեցությունը նրանց վրա:

Այսպիսով, Աղվանից կաթողիկոսությունը կազմավորվում է Զ. դարի կեսերին եւ Աբասի առաջնորդությամբ տեղակայվում Պարպավում: Աղվանքի կաթողիկոսները իրենց նախորդների նման նույնպես ենթարկվում էին Դվինում նստող Տայոց Վեհապետին եւ, դեռեւս Գրիգոր Լուսավորչի սահմանած կարգի համաձայն, ձեռնադրությունն ստանում էին նրանից:

Նոր ժամանակներում եւս Արեւելքի եւ, մասնավորապես, Տայոց աշխարհի ու հարեւան Աղվանից երկրի հասարակական-կրոնաքաղաքական կյանքը վրդովում էին հայրնի դավանաբանական վեճերը: Դրանք առանձնապես սրվում են Աղվանքում, որտեղ աշխուժացել էին քաղկեդոնական եւ նեստորական աղանդները: «Ձայն շփոթ աղմկի սփռեալ տարածեցաւ ընդ ոյրորս երկրի ի ժողովոյն Բաղկեդոնի...գորացաւ սուր վարդապետութիւնն նոցա», - ցավով նշում է Կաղանկարվացին⁴³: Սրեւիա-

40 Կաղանկարուացի, էջ 342-343:

41 «Տայապարում», էջ 384 եւ Կաղանկարուացի, էջ 350:

42 Կաղանկարուացի, էջ 119:

43 Անդ:

նուս Օրբելյանն էլ է գրում, որ Սյունյաց եպիսկոպոս Տեր Վրթանեսի փարիներին «եկին ոմանք նեսպորականք ու քաղկեդոնիկք եւ իսաբկանօք բնակեցան յաշխարհս Սիսական եւ յԱղվանս»⁴⁴։ Աղվանքում փրկավորվել եւ հաջողությամբ իրենց չար աղանդի որոմներ փարածողներից էին վարդապետներ «զթումասն կեղծատր եւ զփսաղսն (սաղմոսերգու-Ն.Ս.) Եղիա եւ զԲնուսն եւ զԻրաս», որոնք ունեին իրենց հետեւորդները՝ «զնմանողս»⁴⁵։ Սրբեղծված վիճակը սփիւսում է ելք փնտրել, եւ Ներսես Բ. Բագրևանդցու հաջորդ Նովհաննես Բ. Գաբրելենացին (557-574 թթ.) Դվինում ժողով է գումարում, ուր քննության է դրվում աղանդավորականության դեմ պայքարի, այս կապակցությամբ կանոնակարգային փոփոխություններ կատարելու եւ այլ հարցեր։ Ընդհանուրի համաձայնությամբ որոշվում է նամակներ ուղարկել Աղվանից Կաթողիկոս Տեր Աբասին ու Սյունյաց եպիսկոպոս Տեր Վրթանեսին եւ նրանցից պահանջել պարժել չարագործներին ու կանխարգելել նրանց գործունեությունը իրենց երկրներում։ Դրանցում Նովհաննես Երկրորդը հասցեատերերին ահազանգում է աղանդավորներից եկող վրանգի մասին եւ խնդիր դնում. «Նովիւք ի բաց մերժեցէք եւ ամենայն ուղղափառաց պարուիրեցէք մի՛ լինել հաղորդ անպարտքեան գործոց նոցա եւ մի՛ լսել հրապուրող եւ չարաթոյն բանից նոցա մահաբերաց»⁴⁶։ Նամակները փրկ է հասցնում Նայոց Կաթողիկոսի վարահայությունը վայելող Մարթնոս անունով մի քահանա⁴⁷։ Բայց կարծում ենք, որ նա սոսկ նամակներ փանելով չի սահմանափակվել։ Լինելով Կաթողիկոսի հարուկ հանձնակատարը՝ Մարթնոսը, ամենայն հավանականությամբ Սյունիքում եւ Աղվանքում հանդիպումներ է ունեցել, ցույց տվել աղանդների վնասակարությունը եւ, կոչ անելով անխնա լինել նրանց հանդեպ, միասնություն քարոզել։ Ի մասնավորի, Աղվանքի Կաթողիկոսին ուղղված նամակում հանձնարարվում էր նրան հաստատուն պահել դեռուս իրենց հայրերի սահմանած միաբանության ուխտը, հետեւել ժողովում ընդունված կանոններին ու, ըստ այդմ, հավելումներ անել իրենց կողմից կատարվող ժամերգություններում։ «Առ սա,-գրում է արդեն Մովսես Դասխուրանցին,- ի ժողովոյն Դունայ ասել մի բնութիւն աստուածութեան եւ մարդկութեան, եւ յաւելով ի սուրբ Աստուածոջ անմահ եւ իսաչեցար»⁴⁸։

Ուսումնասիրողների ուշադրությունը գրավել է նամակի «Գիրք թղթոց»-յան փարերակում Աբասին տրվող «Պարտավի եպիսկոպոս»⁴⁹ նվիրապետական աստիճանն այն դեպքում, երբ Կաղանկավազին նրան ճանաչում է իբրեւ «Կաթողիկոս»⁵⁰։ Աբա-

44 «Պարմութիւն նահանգին Սիսական, արարեալ Սրեփաննոսի Օրբելեան արքեպիսկոպոսի Սխնեաց», Թիֆլիս, 1910, էջ 97-98 (այսուհետ՝ Օրբելյան)։

45 Կաղանկավազուացի, էջ 126։

46 «Գիրք թղթոց», էջ 79-80։

47 Տե՛ս անդ, էջ 79-83։

48 Կաղանկավազուացի, էջ 343. Նաեւ Օրբելեան, գլ. ԻԴ (ընդգծ. Ն.Ս.)։ Ավելորդ չենք համարում նշել, որ ընդգծված կապակցությունն ընդարձակ տեսքով հնչում է այսպես. «Սուրբ Աստուած, Սուրբ եւ հօր, Սուրբ եւ անմահ, որ իսաչեցար վասն մեր, ողորմեա նեզ» (Գիրք թղթոց, էջ 83. Կաղանկավազուացի, էջ 124-125)։ Սույն հավելումը նպատակ ունի, ի հակադրություն նեստորական ու քաղկեդոնական ուսմունքների, շեշտելու Քրիստոսի մեկ՝ աստվածային ու մարդկային մեկփրկված բնություն ունենալու էությունը։

49 «Գիրք թղթոց», էջ 81։

50 Կաղանկավազուացի, էջ 122։

սին «եպիսկոպոս» է կոչում նաև Երուսաղեմի եպիսկոպոս Նովիաննես Երուսաղեմցին, նրան հղած իր թղթում⁵¹։ Ա Նակորյանի կարծիքով չարժե այս երկու փաստերից հետոն գնացող հետևություններ անել⁵², իսկ Բ. Ուլուբաբյանը՝ բացաքանում առհասարակ Աղվանքի կաթողիկոսների նկարմամբ Նայոց հայրապետների դրսևորած վերաբերմունքով։ Ըստ նրա, իբր, «Դվինի կաթողիկոսներն սկզբնապես չպիտի ընդունած լինեին Աղվանքում սկզբնավորվող կաթողիկոսությունը», ուստի եւ նրանք «միանգամից եւ հաճույքով պիտի չընդունեին ասպարեզ ներված «Կաթողիկոս Աղուանից, Լվնաց եւ Չողայ» բավական հավակնոտ փոփոխությունը»⁵³։ Բայց չենք կարծում, թե ճիշտ է հետազոտողը։ Նայ կաթողիկոսները հագիվ թե դժկամ վերաբերմունք դրսևորեին Աղվանքի իրենց աթոռակիցների նկարմամբ, մանավանդ որ վերջիններս հանդես էին գալիս իբրև հայերի գաղափարական-կրոնական դաշնակիցներ։ Ավելի պարզ է եւ ընդունելի արքեպ. Մաղաթիա Օրմանյանի մեկնաբանությունը, որի համաձայն «Աղվանից կաթողիկոսներ երկու անուններն ալ անխորհր կամ միասին կը գործածէին»⁵⁴։ Ուստի հնարավոր է ենթադրել, որ հենց այս պարճառով Աբասին եպիսկոպոս է անվանում Նովիաննես Երուսաղեմցին՝ այդ երկու փոփոխությունների մեջ տեսնելով միևնույն իմաստը։ Վերջին փեսակերպի հավանականությունը մեծանում է նրանով, որ հայ մաքենագրության մեջ հայրերի եւ դեպքեր, երբ Աղվանքի հոգևոր հայրերը ներկայացվել են «եպիսկոպոսապետ»⁵⁵, «առաջ եպիսկոպոսապետ» կամ «արքեպիսկոպոսապետ»⁵⁶ փոփոխությունով։ Կարելի է թույլ տալ նաև մի այնպիսի ենթադրություն, թե Աբասը, լինելով Պարսրավում հաստատված կաթողիկոսության գահակալ, միաժամանակ առաջնորդել է եւ նույն տեղում տեղակայված եպիսկոպոսությունը, որն էլ առիթ է ծառայել նրան «Պարսրավի եպիսկոպոս» կոչելուն։

Նովիաննես Բ. Կաթողիկոսի նամակ-հանձնարարականը ուղղված էր Աբասին եւ երկրամասի մի շարք եպիսկոպոսների «Մովսէսի Բախաղապու եպիսկոպոսի, Գրիգորի Կապաղականու եպիսկոպոսի, Նոռմակայ Ամաղասու եպիսկոպոսի, Տիմոթէի Բաղասականու եպիսկոպոսի, Ամբակումայ Շաբույ եպիսկոպոսի, Յոհանկայ

Գարդմանայ եպիսկոպոսի, Ղեւոնդի Մեծկուանց եպիսկոպոսի»⁵⁷։ Ըստ ցանկի, ինչպես տեսնում ենք, Աղվանքի եպիսկոպոսներն ու համապարասխան եպիսկոպոսությունները թվով ութն են։ Բայց իրականում դրանք ավելին էին։ Դրանցից մեկն էր Պարսրավի եպիսկոպոսությունը, որը վկայված է հայ մաքենագրության մեջ իր Շուփ-

51 «Արարատ», 1896, էջ 252-256։

52 **Ա. Ա. Акопян, Албания-Алуанк ...**, էջ 131-132։

53 **Բ. Ուլուբաբյան**, Նայոց Արեւելից կողմանց եկեղեցիներ..., էջ 111։

54 **Օրմանյան**, էջ 651։

55 **Մովսէս Խորենացի**, Պարմութիւն Նայոց, Երևան, 1991, էջ 329։

56 **Կաղանկարացի**, էջ 85, 89, նաև «Մահմանադրութիւն կանոնի Վաչագանայ Աղուանից արքայի, եղեալ ի ժողովոյն որ յԱղուէնս եղեա», «Կանոնագիրք Նայոց», հար. Բ., աշխատասիրությամբ Վազգեն Նակորյանի, Երևան, 1971, էջ 91-92։

57 «Գիրք թղթոց», էջ 81։

հաղիշոյ⁵⁸ անվամբ եպիսկոպոսով⁵⁹, մյուսը՝ Արցախի Մեծառաքել գավառի եպիսկոպոսությունը, որպեսզի մինչ Կաթողիկոս դառնալը պաշտոնավարում էր ինքը՝ Աբասը, Չողը՝ Աղվանից հայրապետների երկարամյա նստոցը եւ այլն: Ներկայումս, Աղվանից կաթողիկոսությանը ենթակա ոչ բոլոր եպիսկոպոսներին է ուղղված եղել նամակը, ինչը ամենայն իրավամբ թույլ է փախն ենթադրելու, որ նշվածները նրանցից էին, ովքեր ավելի ազդեցիկ դիրք ունեին եւ իրենց հեղինակությամբ կարող էին օժանդակել Աբասին՝ երկիրը աղանդներից մաքրելու գործում:

Ուշադրության է արժանի այն փաստը, որ նշված եպիսկոպոսներից չորսը Նայոց Արևելից կողմերից էին երկուսը Արցախից (Նոռմիկը Ամարասից եւ Ղևոնդը՝ Մծկունից), երկուսը Ուրիքից (Աբասը Պարպավից եւ Յոհան Գաբրիելից): Վկայակոչված հաղորդումը ուշագրավ է նաև նրանով, որ հաստատվում է բերված այն կարծիքը, թե հայ-աղվանական հարաբերություններում, չնայած անվանապես չհիշարակվելուն, գործուն մասնակցություն ունեին նաև Ուրիքի ու Արցախի թեմերի հոգևոր առաջնորդները՝ հանդես գալով «աղվանացիներ» ընդհանուր անվան փակ:

Նամակն ստանալով, Աբասը Նայոց Վեհապետի հանձնարարականին հետամուտ, անցնում է վճռական գործողությունների: Կաղանկարվացու վկայությամբ՝ նա «յոյզ քննութեան առնելով իւրութ եպիսկոպոսօք»⁶⁰, բացահայտում է Նայասարանայց Առաքելական եկեղեցու դավանանքից շեղվածներին եւ զանազան միջոցներով արգելում նրանց գործունեությունն իր երկրում: Աբասը խիստ հալածանքների է ենթարկում հարկապես վերոհիշյալ վարդապետներին եւ արտաքսում երկրից իրենց հետևորդների հետ միասին: Աղվանքի Կաթողիկոսը, վկայում է Կաղանկարվացին, «իւրովք եպիսկոպոսօք որ վերագոյնդ կան ի գրի (նկարի ունի) նամակում նշվածներին-Ն. Ս.) նոքօք հանդերձ հալածեաց ի փանէ Աղուանից զայիղծ վարդապետս աղանդոյն այնորիկ՝ զԹ-ոմասն կեղծատր եւ ի փսաղարն Եղիա եւ զԲնկուն եւ զԻբաս եւ զայլսն ընդ նոսա զնմանողս նոցին արար փարաբնակ ի հեռատր վայրս»⁶¹: Այս միջոցառումների շնորհիվ «Աղվանից փանը» խաղաղություն է հաստատվում՝ պահպանելով միակամությունը Նայոց Եկեղեցու հետ: Ուստի դժվար է համաձայնել Ն. Ալիևյանի այն մտքի հետ, թե «Աղուանից Եկեղեցին Զ. եւ Է. դարերուն քաղկեդոնական էր եւ իբրեւ այսպիսի բաժնուած Նայոց Եկեղեցոյ միութենէն»⁶²: Գուցե եւ քաղկեդոնականությունն Աղվանքում հասել էր հաջողությունների, իսկ Աբասը ինչ-ինչ պայմաններից ելնելով հանդուրժողական վերաբերմունք էր դրսևորել նրանց նկատմամբ, բայց դա արագ վերացել էր նույն Կաթողիկոսի ջանքերով, եւ Աղվանից պաշտոնական եկեղեցին շարունակում էր մնալ Նայոց հետ իբրեւ դավանաբանական դաշնակից: Նամակով Նովհաննես Գաբրիելեանցին Աբասին առաջարկում էր իր եպիսկոպոսներից երեքին կամ ավելին ուղարկել Նայասարան՝ իրենց մոտ նախապարտաստական շրջան անցնելու եւ ստացած գիտելիքնե-

58 Այս անձի ինքնության հետ կապված հարցերը առանձին ուսումնասիրության նյութ են:

59 **Կաղանկարուացի**, էջ 85, 89, «Կանոնագիրք Նայոց», հայր. Բ., էջ 91-92:

60 **Կաղանկարուացի**, էջ 126:

61 Անդ:

62 «Նանդէս Ամսթրապ», Վիեննա, 1953, էջ 162:

ընդ երկրի բարօրության համար օգտագործելու նպատակով. «Նաճոյ թուեցաւ,- գրում է նա,-գալ ի ձեռք այսր եպիսկոպոսաց երկից կամ առելեաց. լսելով ի մենջ յանդիման զճշմարիտ վարդապետութիւնն զի մի՛ ոք կորիցէ ի հովուաց կամ ի հաւորից, այլ ի վերայ բարոյ գիտի ձերոյ եղիցի»⁶³:

Նովհաննես Բ. Գաբրելեանացու օրոք հայերի գլխին կրկին կախվում է հավաքավորության սպառնալիքը: Պարսից արքայից արքա Խոսրով Ա. Անուշիրվանը (531-578) 564 թ. Նայասպրանի մարզպան է նշանակում իր ազգական Սուրեն Ճիհովր-Վշնասպին՝ գործողությունների ազատություն փախուցնելու նպատակով: Գալով Նայասպրան՝ սա անմիջապես անցնում է Պարսից արքունիքի նկրտումների իրագործմանը. բարձրացնում է հարկերը, ուրմահարում հայ նախարարների իրավունքները. շարքերին՝ մասնավորապես Մամիկոնյանների հայտնի փոխմիջ Մամվել Մամիկոնյանին, սպանում է, որ ավելի վարթարն էր, Նայոց Կաթողիկոսից պահանջում է «կրակի ապրուշան կառուցել, որպեսզի թագավորի հավաքի համաձայն ծես կատարվի»⁶⁴: Կաթողիկոսը եւ ժամանակի Նայոց գործերի սպարապետ Վարդան Մամիկոնյանը (Կարմիր Վարդանը) պահանջում են դադարեցնել ապրուշանների կառուցումը, բայց ապարդյուն⁶⁵: Պարսիկ մարզպանի սանձարձակ գործողությունները ուրքի են հանում հայերին, եւ նրանք 571 թ. սպարապետ Վարդան Մամիկոնյանի գլխավորությամբ ապստամբում են պարսից դեմ⁶⁶: Ապստամբության ռազմական առաջնորդը Վարդան Մամիկոնյանն էր, գաղափարականը՝ Նովհաննես Երկրորդը: Տեսնելով հայերի նախապարաստությունը՝ Սուրեն մարզպանը շտապ մեկնում է Պարսկաստան եւ Խոսրով Երկրորդից երկու հազարանոց բանակ ստանալով՝ վերադառնում է Նայասպրան: Մակայն հայերը, չսարսելով նրա թվական գերակշռությունից, իրենք են հարձակվում Դվինում բանակած պարսից զորքերի վրա, կոտորում նրանցից շարքերին, սպանում մարզպանին⁶⁷, իսկ մնացածներին թշուր երկրի սահմաններից: Նայերի այս հանդուգն արարքը, անշուշտ, Խոսրով Անուշիրվանը չէր ներելու եւ նոր արշավանքներ էր կազմակերպելու դեպի Նայասպրան: Սրբեղծված ծանր իրադրությունից դուրս գալու նպատակով, Վարդան Մամիկոնյանն ու Նովհաննես Բ. Կաթողիկոսը մի խումբ նախարարների ու հոգևորականների հետ ընդհանրապես մեկնում են Կոստանդնուպոլիս Նուսրինոս Բ.-ի (565-578 թթ.) մոտ⁶⁸,

63 «Գիրք թղթոց», էջ 84:

64 «Եպիստոլի Նովհան եպիսկոպոսի Եկեղեցական պատմություն» փոխ «Օրար աղբյուրները Նայասպրանի եւ հայերի մասին», 8, Ատրական աղբյուրներ Ա, թարգմ. բնագրից, առաջաբան եւ ծանոթ. Ն. Գ. Մելքոնյանի, Երևան, 1976, էջ 288 (այսուհետ՝ Ատրական աղբյուրներ):

65 Անդ, էջ 288-289:

66 571-572 թթ. փոփոխություններ այս ապստամբության մանրամասները փոխ Նայ ժողովրդի պատմություն, հար. II, Երևան, 1984, էջ 257-263:

67 Ըստ Ատողիկի պարսիկ մարզպանին սրբախոսող (սուսերահատ) էր արել Վարդան Մամիկոնյանը (փոխ Սրբեղանոսի Տարսնացույ Ատողկան Պարսիկին Տիեզերական, ՄՊԲ, 1885, էջ 84), (այսուհետ՝ Ատողիկ), իսկ ըստ Անանիա Շիրակացու՝ Զորակ Կամսարականը փոխ Ա. Գ. Աբրահամյան, Անանիա Շիրակացու) Մարտնագրությունը, Երևան, 1944, էջ 228 (այսուհետ՝ Անանիա Շիրակացու մարտնագրություն):

68 Ատողիկ, էջ 85: Արսեն Մախարեցի, Վրաց եւ Նայոց բաժանման մասին փոխ Լ. Մելիքսեթ-Բեկ, Վրաց աղբյուրները Նայասպրանի եւ հայերի մասին, հար. Ա, Երևան, 1934, էջ 42, (այսուհետ՝ Վրաց աղբյուրներ), Ատրական աղբյուրներ, էջ 390-391:

նրանից օգնական ուժեր ստանալու ակնկալիքով: Սա մի բարեպաշտի առիթ էր հայերին քաղկեդոնականության հակելու Բյուզանդիայի վաղեմի ծրագրի իրականացման համար, եւ կայսրը ճարպկորեն օգտագործում է այն: Նարեկից ազգարելու եւ այլ շռայլ խոսքերով⁶⁹, Նուսրինոսը միաբանվելու առաջարկ է անում, որը, սակայն, հայերը մերժում են, առաջ քաշելով Քաղկեդոնի ժողովի սահմանումների նկատմամբ իրենց ունեցած փարաձայնությունները⁷⁰: Կայսրը մնում է անդրդվելի եւ նույնիսկ այդ նպատակով հարուկ ժողով է գումարում: Ժողովում, անկասկած, Նուսրինոսի, պարսիկարք Նովհան Սքոլաստիկոսի ու այլ կղերականների ճնշման փակ, հայերը «հաղորդվում են» եւ դառնում քաղկեդոնական⁷¹, որ ուղղակի կեղծիք էր: Նովհաննես Բ.-ն, Վարդան Մամիկոնյանն ու ժողովին մասնակից մի խումբ հայ նախարարներն ու

հոգեւորականները դիմում են այդ քայլին Բյուզանդիային սիրաշահելու եւ նրանից օգնական ուժեր ստանալու սպասումներով: Որ իսկապես հայերը առերես են «հաղորդվել» հույների հետ, ցույց է տալիս այն փաստը, որ նրանք միանգամից չէ, որ համաձայնվել են Նուսրինոս Բ.-ի հետ: Դրա համար հարկավոր են եղել վերջինիս հարուկ ջանքերը: Ավաճան ուժ է ստանում նաեւ նրանով, որ դավանափոխ եղածներից շատերը, հայրենիք վերադառնալով վերստին անցնում են իրենց նախնայաց հավարին⁷²: Իմանալով նոր դիրքորոշման մասին հայերը ընդվզում են հավաքափոխների դեմ եւ խիստ խոսքերով դատապարտում նրանց⁷³: Ուստի, անկախ ոմանց հավաքափոխությունից, ողջ հայությունը այս վրանգավոր շրջանում եւս պահպանում է կրոնական ջերմեռանդությունը եւ հավաքաբին մնում հինավուրց եւ նման փորձությունների միջով ոչ մեկ անգամ անցած առաքելաշնորհի հավարին: Նայելի ու հույների «միաբանությունը» կարճ կյանք է ունենում: Արդեն Կոնստանդնուպոլսում 574 թ. վախճանված Նովհաննես Բ. Կաթողիկոսի հաջորդ Մովսես Բ. Եղիվարդեցին այն պաշտոնապես մերժում է:

Նկարագրվող վերջին իրադարձություններին աղվանացիների մասնակցության մասին հստակ տեղեկությունները պակասում են: Սակայն, ըստ որոշ ուսումնասիրությունների, նրանք, հայերի մյուս հարևանների՝ վրացիների հետ միասին, եղել են հիշյալ իրադարձությունների մասնակիցներ եւ կիսել առաջինների ճակատագիրը⁷⁴:

Կոնստանդնուպոլսում վախճանված Նովհաննես Երկրորդին, ինչպես ասացինք, հաջորդում է Մովսես Բ. Եղիվարդեցին (574-604 թթ.): Արասը դեռ հովվում էր Աղվանքում: Աղբյուրները լռում են երկու կաթողիկոսների համագործակցության մասին: Սակայն, հենց այդ լռությունն էլ ցույց է տալիս, որ վերջինս հավաքաբին է մնացել Նայոց Եկեղեցու գաղափարախոսությանը այնպիսի դժվար ժամանակներում, երբ Սասանյան Իրանը կորուկ փոխել էր վերաբերմունքը հակաքաղկեդոնականների նկատմամբ,

69 Ասորական աղբյուրներ, էջ 391

70 Վրաց աղբյուրներ, էջ 42:

71 La Nazzatio de rebus Armeniae, էջ 37, **Ասողիկ**, էջ 85, Վրաց աղբյուրներ ..., էջ 42, Ասորական աղբյուրներ, էջ 392:

72 Տե՛ս Վրաց աղբյուրներ ..., էջ 42:

73 Անդ: Ասորական աղբյուրներ, էջ 392:

74 «Նայ ժողովրդի պարմություն», II, II, էջ 287-288. **Վ. Մ. Վարդանյան**, Նայոց եկեղեցին..., էջ 264:

իսկ Բյուզանդիան հետևողականորեն շարունակում էր Արեւելքի երկրներում քաղկեդոնականությունը պետական մակարդակի բարձրացնելու քաղաքականությունը:

Գահ բարձրանալով՝ Մովսես Բ. Կաթողիկոսը պաշտոնապես մերժում է 571 թ. կնքված հայ-բյուզանդական դավանական միությունը և վարում Բյուզանդիայից անկախ կրոնական քաղաքականություն: «Մովսես, հավաստում է Սեբեոսը, - ամենևին

ոչ լինել է նուսա (հույների հեր-Ն.Ս.) հույ»⁷⁵: Դրան հակառակ, կայսրությունը փորձում է բոլոր միջոցներով խոնարհության բերել Նայոց Եկեղեցին, ինչը նշանակում էր նույն վիճակի մեջ դնել նաև Աղվանից ու Վրաց եկեղեցիները: Կոստանդնուպոլսի այդօրինակ ջանքերը առավելապես դրսևորվում են Մորիկ կայսեր օրեր (582-602), որ եռանդուն պայքար էր ծավալում հանուն քաղկեդոնականության հաղթարշավի⁷⁶: Նրա նախաձեռնությամբ 591 թ. Կոստանդնուպոլսում գումարվում է եւս մեկ եկեղեցական ժողով՝ «Ժողով Նայոց և Նոռովմոց՝ վասն նորին աղանդոյն Քաղկեդոնովի»⁷⁷: Ժողովին մասնակցում էին նաև Մովսես Երկրորդի պարավիրակները՝ նրա գործերի հավաքարմարար և ապագա տեղապահ Վրթանես Քերթողը՝ Քշկանորդի մականունով⁷⁸ (տեղապահ է եղել Մովսեսի մահից հետո 604-607 թթ.) ու Գրիգոր եպիսկոպոսը: Այդ մասին հաղորդում է Սամվել Անեցին. «Գրիգոր և Վրթանես վարդապետք Նայոց գնացին ի Յոյնս և ոչինչ օգտեցուցեալ գնոսա՝ դարձան նզովելով»⁷⁹: Ահավասիկ, պարմիչի տեղեկացմամբ, հայերը հերթական անգամ ծառանում են Բյուզանդիայի դեմ և ժողովում բացելիքաց մերժում են քաղկեդոնականությունը և նզովում այն: Ունե՛ր Աղվանից Եկեղեցին իր պարավիրակները այդ ժողովում, թե ոչ, դժվար է ասել: Կարելի է սոսկ ենթադրել, որ այն լինելով Նայոց Եկեղեցու դավանական դաշնակիցը, Աբասը նույնպես պարավիրակներ է ուղարկել Կոստանդնուպոլիս, և նրանք, հայերի հետ միասին, նմանապես մերժել են իրենց պարտադրվող հավաքը: Այնուամենայնիվ, հույներին հաջողվում է երկփեղկել Նայոց միաբնակ եկեղեցին: Բյուզանդական Նայասրանից ժողովին մասնակցող եպիսկոպոսները, համաձայնության գալով հույների հետ, իրենց և կայսրությանը ենթակա զավառների հայության համար Կաթողիկոս են ընտրում Նովհանես Բագարանցուն՝ Կոգովիս զավառի եպիսկոպոսին. «Եւ Տէր Մովսէս էր յաթոտ սրբոյն Գրիգորի ի Դունի, և ի կողմն Յունաց հակառակ նմա նստոցին յաթոտ զՅովհանն ոմն», - գրում է Կաղանկապվացին⁸⁰: Սեբեոսն էլ է գրում, որ «բաժանեցաւ յապա և աթոտ կաթողիկոսութեանն յերկուս. անուն միոյն Մովսէս և միւսոյն Յովհան: Մովսէս ի Պարսից կողմանէ, և Յովհան՝ Յունաց»⁸¹: Նայոց Եկեղեցու երկփեղկման մասին խոսում են նաև այլ հեղինակներ⁸²: Նակարծող Կաթողիկոսի հա-

75 «Պարմութիւն Սեբեոսի», աշխատասիրությամբ Գ.Վ. Աբգարյանի, 1979, էջ 91 /այսուհետ՝ Սեբեոս/

76 Անդ:

77 Անանիա Շիրակացու Մարենագրությունը, էջ 397:

78 Տե՛ս **Օրմանեսն**, էջ 674

79 «Մամուլէի քահանայի Անեցոց Նաաբմունք ի գրոց պարմագրաց», Վաղարշապատ, 1893, էջ 76:

80 **Կաղանկապուացի**, էջ 273-274:

81 **Սեբեոս**, էջ 91:

82 Տե՛ս **Օրբելյան**, էջ 90, **Ասողիկ**, էջ 85, Վրաց աղբյուրները ..., էջ 42, Ասորական աղբյուրներ, էջ 392, "La Narratio de rebus Armeniae", էջ 37:

մար իբրեւ նստավայր ընտրվում է Կոտայքի Արամոնս (ներկայիս Արամոս գյուղը)⁸³։ Տեղի ունեցածը, սակայն, չի թուլացնում հայերի պայքարը քաղկեդոնականության դեմ, բայց եւ անհերքելի չի անցնում։ Նոր նշանակություն է ձեռք բերում Աղվանից Եկեղեցին։ Սյունիքի հոգևորականությունը, հրաժարվելով ճանաչել երկու կաթողիկոսներին էլ, հայացքն ուղղում է դեպի Աղվանք։ Ժամանակի Սյունյաց հանրաճանաչ եպիսկոպոս Պեպրոսը⁸⁴, յուրայիններին պատվիրում է մինչև Նայոց Եկեղեցու միասնականության վերականգնումը, իրենց ձեռնադրությունն ու օրհնության մեռումը, որ մինչ այդ ստանում էին Նայասարանից, ստանան Աղվանքից։ «Իսկ ի երկուսնալն հայրապետութեանն,-գրում է Կաղանկապուլացին,-խորեցին քեարքն Սիւնեաց, եւ ոչ հաւանեցան ընդ մի ոք յերկուցն, հրամանաւ եպիսկոպոսին իւրեանց առաքինոյ Պեպրոսի, որ հասեալ ի վախճան, պատուէր ետ վիճակին իւրում առնուլ ձեռնադրութիւն յԱղուանս եւ զմիւսնն օրհնութեան մինչև միասցի աթոռ սրբոյն Գրգորի»⁸⁵։ Նույնը ասում է եւ Սյունիանու Օրբելյանը. «Եւ սակս այսպիսի վիճմանց տուրք Պեպրոս, յերկալ յաղմկէ անտի ի խանգարմանէ, եւ յԱղվանից առնուլ ձեռնադրութիւն եւ չէր մինչև իսաղաղասցի իւռովութիւնն, գոր արարին իսկ»⁸⁶։ Պատվիրանի համաձայն Պեպրոս եպիսկոպոսի հաջորդներից Տեր Գրիգոր եւ Քրիստոփոր եպիսկոպոսներն իրենց ձեռնադրություններն ստանում են Աղվանքի Կաթողիկոսի ձեռքից։ Նայսի է նաեւ նման մեկը՝ Վրթանես անվամբ, որին Սյունյաց եպիսկոպոս է կարգել Աղվանքի Կաթողիկոս Տեր Զաքարիան⁸⁷։ Այս մասին նշում է եւ Մովսես Դասխուրանցին՝ գուցահեռ մի շար ուշագրավ հավելում անելով։ «Տէր Զաքարիա...,-գրում է նա,- ձեռնադրեաց եպիսկոպոս Սիւնեաց զՎրթանեսս ոմն անուն յանհաւանութեան Նայոց»⁸⁸։ Նաղորդման ընդգծված արքայապետությունը՝ նշանակում է «առանց հայերի համաձայնությունը», պարզվում է, որ Նայոց եւ Աղվանից հոգևոր առաջնորդների միջև գործել է մի կարգ, որի համաձայն Աղվանքի հայրապետները Սյունիքին եպիսկոպոսներ օծելուց առաջ նախապես թեկնածուի շուրջ պետք է ունենային հայերի համաձայնությունը։ Եւ, կարծում ենք, նման սկզբունքով էլ պետի են ունեցել մեզ արդեն ճանաչ Տեր Գրիգորի եւ Քրիստոփորի ձեռնադրումները, իսկ ահա Տեր Զաքարիան, որ Վրթանեսին եպիսկոպոս էր ձեռնադրել առանց հայերի հետ համաձայնեցնելու, փաստորեն խախտել էր կարգը, եւ դրա համար պատմիչը անհրաժեշտ էր համարել արձանագրել այդ փաստը։ Նման պարզաբանումները, վերջին հաշվով, հանգեցնում են այն իրական եզրակացությանը, որ նոր կարգավիճակ էլ ստանալով՝ Աղվանից Եկեղեցու ենթակայությունն Նայոց Եկեղեցուց չէր վերացել։ Եւ, թերեւս, Վրթանեսին եպիսկոպոս ձեռնադրելու Տեր Զաքարիայի ինքնագլուխ քայլն իր գլխավորած եկեղեցին այդ ենթակայությունից դուրս բերելու եւ ինքնուրույնության ուղու վրա դնելու մի փորձ էր։ Սյունիքի եպիսկոպոսների ձեռնադրումն

83 Սերբոս, էջ 91։ Ըստ Օրմանյանի՝ Ավանը քրեւ Օրմանեան, էջ 671։

84 Նրա մասին քրեւ Օրբելեան, էջ 89-91։

85 Կաղանկապուլացի, էջ 274։

86 Օրբելեան, էջ 91։

87 Տե՛ս Կաղանկապուլացի, էջ 274, Օրբելեան, էջ 91։

88 Կաղանկապուլացի, էջ 344 (ընդգծ. Ն.Ս.)։

Աղվանքի կաթողիկոսների ձեռամբ պահպանվում է մինչև Նայոց Եկեղեցու միասնականության վերականգնումը Աբրահամ Ա. Աղբաթանեցի Կաթողիկոսի օրոք (604-615 թ.): Կադանկաբվացին գրում է. «Զիտն օծութեան ամ յամէ առնուին Սիւնիք յԱղուանից, մինչև բարձաւ հակառակութիւնն, եւ միապետեաց Աբրահամ զհայրապետական արթոն»⁸⁹: Նույնը, գրեթե բառացի, գրում է եւ Սյունիքի Օրբելյանը⁹⁰: Նայոց Եկեղեցու պառակարկած մասերի վերամիավորվելուց հետո Մայր Աթոռի հետ միավորվում է եւ Սյունիքի եպիսկոպոսությունը, ու դրանով վերջ է դրվում նաեւ նրա նկարմամբ Աղվանից կաթողիկոսության ունեցած դերակարարությունը:

Աղվանից Եկեղեցին թեւակոխում է Է. դար այն նույն կարգավիճակով, ինչ ունեւ մինչև նոր իրավասությամբ օժտվելը:

Այսպիսով Զ. դարում հայ-աղվանական եկեղեցական հարաբերություններն ընթանում էին քաղկեդոնականության դեմ համընդհանուր պայքարում: Այդ ողջ ժամանակաշրջանում աղվանացիները հանդես էին գալիս իբրեւ Նայ Առաքելական Եկեղեցու գաղափարական դաշնակիցներ եւ նրա օգնությամբ խափանում էին երկրում մերթ ընդ մերթ աշխուժացող քաղկեդոնականության եւ վերջինիս քրաքրեսակ հանդիսացող նեստորականություն արմատավորվելու ջանքերը:

⁸⁹ Տե՛ս անդ, էջ 274:

⁹⁰ Օրբելյան, էջ 91: